

曩

雲

閣

集

曇雲閣詩集卷六

吳縣 曹楫堅 民甫

慈航寺小憩

寺在安肅境舊名普渡方恪敏設養濟院於此後人祠祀焉

難得清涼境肩輿此暫過寒雲遮薊樹春水候曹河來  
去因誰識塵勞閱已多桐城有遺愛祠宇冒煙蘿

保定詠古

三關遺跡莽縱橫形勢天然控北平尚有陂塘沈苑泊  
已無營壘壁陽城幽并以外皆屏障遼宋之間幾戰爭  
今日東南重防守劒鋒一爲掃櫓槍

井陘關

亦名故關卽北天門上有雲霄寺

五更雞唱使車行獲鹿東來第一程大將英威漢旗鼓

嚴關形勢趙干城

東天門有閣題曰趙之干城

晴開萬壑煙雲氣風

入諸天梵唄聲太息山河空恃險書生何事更談兵

青玉峽

在柏井驛西二里

山行忽紆迴一路入深碧攢空截窈冥遞互排巔劣何  
年蕭蕭開擘此太古石不知松吹生到耳但清激鏡山  
云最佳天光返圓隙手無九節筇倥偬媿行役卽此足  
幽賞苔蘚漬雙屐林煙擺餘青雲氣滃微白一水縈蔓  
弱羣峰井陘偃蜿蜒比擗嶺直豎蒼龍脊想見伏雨來  
飛瀑挂千尺行人不可畱大書在石壁

鏡山在柏井鎮西北四山環繞

窺天一隙圓光若鏡見一統志華嶽蒼龍嶺謂之掬  
嶺見水經注峽旁石上大書此處不可避雨六字

### 介休道中

西風撲面捲紅旌殘雪溪橋鼓吹行

是日縣令以鼓樂儀從來迓平

野自盤雕影上好山都向馬頭迎秦雲晉水年前路綵  
勝桃符別後情縣上祇今祠宇在塵勞何事戀簪纓

### 洪洞謁皋陶祠分韻得期字

遺跡尋科斗穹然有墓碑一堂稱邁種千古此昌期羊  
獬猶村舍神靈永護持至今尊法律再拜仰崇祠

### 洪洞早發夜宿史村驛

喔喔雞聲裏征涂戒夙興林煙多著樹澗水不流冰陶

復遺風在新年市物增昏雅向何處遙見驛前燈

高壁嶺淮陰侯墓

水斷汾河白山連太岳青何年有祠墓終古想英靈往  
事悲鐘室奇軍下井陘還思馬道驛追騎不曾停

蕭相國追

韓侯處

豫讓橋

豫讓橋頭過西風吹面寒從來論知遇國士受恩難

西嶽廟

碧瓦環飛觀珠旒儼邃宮百川走河渭一氣接恆嵩箭  
筈天門對風雲帝座通如聞鈞樂奏笙鶴滿空中

華州道中早行

未漏晨光促馬蹏擁裘霜氣尚淒淒  
斷橋橫路澗泉響殘葉滿林山月低  
寂靜關城初過雁荒寒村落遠聞雞  
梅花羌笛聲聲怨莫遣行人更向西

驪山

幾處離宮複道連君王十月幸湯泉  
羽林隊裏親擐甲猶記開元講武年

魚龍鳬雁欲飛時又報華清產玉芝  
那是津陽門外路至今腸斷鄭嵎詩

灞橋作

臨潼西去灞陵橋花未開時絮未飄似我都無離別恨  
一鞭斜日也魂銷

擬唐人

江南花落子規啼三月春陰覆馬蹏陌上青青萬楊柳  
行人知在灞橋西

小五臺

在西安城西北隅

北向秦山迴東流渭水寬高臺幾興廢一覽古長安

富中丞招遊崇仁寺

出郭尋蘭若紅旌拂面低松篁臺左右碑碣殿東西平  
野煙蕪散諸天梵唄齊好參羅漢果畱與證鴻泥

寺有五百

羅漢堂

秦中雜詠十六首

奇巧應輪子午臺建章宮殿鬱崔巍瓦當畱得西京字

都是昆明劫後灰

始皇起雲明臺子時起工午時已畢因謂之子午臺見秦記

火珠璀璨照麒麟御苑梨花九月春天上踏歌聲不住

又看二十丈鐙輪

九月梨花則天時事見五行志

供奉梨園弟子多左坊教舞右坊歌清明時節拋毬好

贏得官家笑拔河

朝紅午碧牡丹枝捧上妝臺酒一卮更乞驪山栽萬本

內人早起喚花師

洛人宋單父能種藝內人呼爲花師見龍城錄



竹榭花蹊點綴工長門秋怨寫梧桐若教花萼樓頭望

不見甯王玉面聰

見宣和畫譜龍城錄

妃子琵琶感鳳槽清元小殿曲聲高花膚雪豔都消歇

賸有紅絲羯鼓緇

官舍梁上有紅絲羯鼓緇見尚友錄

空山鈴語聽郎當汾水秋風雁幾行開遠門前呼萬歲

不知南內最淒涼

明皇自蜀回肅宗迎駕入開遠門耆老皆呼萬歲事見鄭峒津陽門詩注

風裏楊花恨最多南山山下犢車過相逢那是藍橋驛

夜雨蕭蕭鄂渚波

風裏楊花只片時犢車麗女詩見全唐詩話

零落人間玉臂支淩波舞罷不勝思一聲彈出楓香調

直得崑崙拜段師

簫管秦樓事莫論玉魚金盃總無存荒花半落松風晚

一角殘陽認墓門簫管秦樓應寂寂毛女詩見全唐詩話博陵崔生事見博物志

太乙終南倚碧虛離宮別館擁皇居詞人漫賦含元殿

基址分明券上書唐李華有含元殿賦長安民契券有云某處至花萼樓某處至含元殿見

老學庵筆記

無礙檀施錦繡堆沈香高座說輪迴可知八萬蟲沙劫

大半曾迎佛骨來黃巢洗城事在中和元年迎佛骨事在咸通十四年

豈是魚龍幻偃師行圖爭刺舍人詩劄青年少渾無賴

抵得宮中白望兒劉青見全唐詩話宮市置白望數百人見通鑑

秋風落葉點頽垣夾巷重門聽夜猿誰把地分金玉燕

并無人識奉誠園白露點秋風落葉故址顏垣語見開

蓋地王蓋地見盧氏雜說奉誠園非馬燧宅見唐詩注

昭陵玉匣祕珍儲律召調陽智永書祇怕賓僚看臨本

孤寒不少石蒼舒智永千字文作律召調陽者真本見癸辛雜識蒼舒事見玉照新志

長安西望滿春蕪渭水秦川入畫圖妝點小兒坡上景

詩情得似漸橋無小兒坡在午橋莊見窮幽記

### 白太守招集臨潼縣廨

玉梅花裏試鐙風卻喜諸君雅集同此日關河逢舊雨

謂潘樹人李他年雲樹話新豐魚蝦入饌冰初泮荇藻

當階月已中欲問飛霜殿前路傳郵來去太恩恩

遊華山詩

玉泉院

蘿荔始幽討清風吹我襟  
池臺日以圯惟有煙霞深  
徑荒藤蔓古洞閤莓苔陰  
希夷想遐躅塵垢還初心  
山蓀不可擷雲石空相尋  
出門聽泉響泠泠玉姜琴

谷口

未見王猛臺已入張超谷  
崇崖互虧蔽青氣四邊束  
水石激清寒鏘然韻琴筑  
南憩桃林坪遠煙出蘿屋  
神仙此遺蛻梯棧架岩腹  
飛鳥不能上時有白雲宿  
當年避

地人傭販亦珠玉

第一關壘石爲城往時避兵所

莎蘿坪

雲氣翳西厓正與上方對峰巒勢收束萬綠化平靄微  
聞樵唱聲林木森夔夔金仙去無蹤畱此山中碓苔磴  
絕攀躋松風生聲欬欲訪杪樾庵斜陽照鴉背上方白雲峰爲  
唐金仙公主修道所遺有碓磨之屬見山志

十八盤

浮青截垠堦直上孤雲端坡陀折不盡紆迴路盤盤下  
盤仰崩男上盤俯巘岼峩峩玉女峰紫翠爛可觀寥天  
斷筌鶴松花落祠壇便當埽白石坐把瑤琴彈毛女峰在十八

盤西

青柯坪

削成五千仞青空天外倚縮作畫屏風落雁高可指雲  
門邈迤來軒窗靜繩纏天然看芙蓉團翠暝煙裏空冥  
縹緲間百靈所棲止遙望松檜陰白雲出其底安得噴  
珠簾蟄龍呼不起

水簾洞在西峰下落雁松  
繪二峰俱華山最高處

宿楊氏別墅

在華山麓

入門鳥雀靜萬个青琅玕樓閣自然好華山當面看言  
尋白石坐思把黃精餐夜半鶴孤唳蕭蕭風葉寒

潼商道劉鑑泉前輩席上作

天節星明照上台鵷鸞入坐共尊罍河流自繞潼關去

山色都從華嶽來十盃聲威方示武  
九重宵旰正  
需才近聞嚴穴搜奇士王猛臺前首重回

潼關渡河

關城萬雉高峩峩控扼秦晉之山河官衙置酒攬形勝

朔風吹面顏微酡

是日鑑泉前輩招飲署齋

龍門砥柱未之見中流

片刻揚帆過年來再告瓠子決鉅野滿溢哀鴻多金錢

百萬費官帑丁夫岸上徒鞭呵更聞東南苦蹂躪鋒車

四出勞天戈長江大河深不測靈怪豈必無蛟鼉干將

莫邪白可用那令跋浪生洪濤盛朝德化久漸被歲

星所在登嘉禾

吳中大稔

馮夷海若效乃職寰宇清冥理則

那太華削成五千仞羅列觴豆神諧和

華嶽三公山形如列豆爲白帝

觴百神所見山志諧和水神見漢書禮樂志注

我昨振衣快登眺出語欲向松

風哦黃流湯湯逝不返空有清夢畱煙蘿征軺東去日  
西下風陵對岸森陂陀

### 華州郭汾陽王祠

河嶽英靈氣乾坤板蕩辰誠還悟回紇讒易中勳臣里  
社粉榆古祠堂俎豆新青山畱墓碣長憶錦袍人

### 靈石道中

馬頭遙望是絲山山色空濛杳靄間欲向汾南尋古渡  
晚鴉飛過冷泉關



太安驛大雪早行五十里至壽陽宿

今宵住何處風雪壽陽城官道掀車出

連日行泥淖中

人煙到

郭生四山合雲氣萬木靜鴉聲陳跡畱祠宇迢迢行役

情

長慶二年昌黎奉命宣撫鎮州道經壽陽驛後人立祠祀之祠在東郭外

固關

平定州東九十里又東十里爲井陘故關

林表路迴環驅車上固關西風一行雁落日萬重山陟

險心逾壯思鄉鬢已斑舟師下吳越聽唱凱歌還

題黃架卿前輩越秀山望海圖

圖爲丁酉典試時作

壯遊歷萬里能使窮愁開一覽越秀峰未登越王臺邈

矣三十載心魂與裴個

丙寅秋自滇至粵東旬畱者一月

先生玉堂彥

文史胷中該衣冠南海盛梗梓接珍材高秋天肅肅振  
衣蹶崔嵬入荒際溟滓寸目收奇佺沆漭不可極神化  
歸黔雷披圖有生氣雲氣生蓬萊

蓬萊境有無神仙自來少頗喜眼界寬快哉高公島

乙未

四月同陶文毅至海州之高公島觀海

夏氣涼過秋風濤互迴繳微茫指

青齊帆影瞥煙鳥獨立神眈羊古今迹如埽作賦謝未能來去徒草草鯨呿蛟蜃翻驅除恨不早迢迢五羊城  
怒焉動懷抱所期汎洪源整頓濟時了

題戴雲帆工部

綱孫

悼蕙圖

悼其夫人蕙卿

沈檀作香篆花誅轆轤咽咽井華水蛟宮寒雨滴瓊瑰

玉妃不來遂聲外明河絡角微雲濛不許人間怨天上  
蟾子纏絲自一生秋風捲斷金絲帳湘草悽以碧湘江  
深復深瑤琴一再彈彈出離鸞音離鸞可譜膠可續橫  
煙笑暈修蛾綠冶紅小白長安花芙蓉深護神仙家

題雲帆工部隴樹瞻思圖

思親作也

我昔襁褓中從宦且蘭城十三痛無母弱息嗟零丁孤  
蓬斷根荄遠逐飄風征白雲渺何許絕徼關山橫中年  
謀菽水四顧嗟疊餅安得負郭田歸把耰犁耕無母又  
無父此身長惻惻升斗就微祿百念徒怔營君抱不世  
才壇坫早主盟戔戔獬豸冠勉旃保令名移孝以作忠

忠孝本至情讀君隴樹圖使我涕淚并使我涕淚并哀哉鮮民生

贈姚梅伯孝廉

雙

卽題其詩集後

四十二人會江亭修禊時

丙申四月四日事

不期重握手始得

讀君詩仙骨自然好古情無限悲瓊樓高百尺試把鐵

簫吹

君集中有鐵簫詩

秋感

手把芙蓉有所思碧城消息斷難知美人迢遞懷湘水  
帝子嬋媛託楚辭邊塞有時生馬角江湖無計問鷗夷  
一條天漢誰橫阻惆悵前期與後期

廣遊仙

妙女三千擅色絲  
通天臺上唱名時  
入簾有詔開香宴  
彤玉居然是主司

瑤華密字早箋天  
黃葉隨波夢宛然

用明林鴻事

若是玉樓

碑記好人間  
那得有書仙

纖纖始影學神妝  
絳雪丹成有祕方  
誦得魯生佳句否  
相逢休道紫雲孃

苑爵靈簫自有名  
蘭香萼綠總無情  
也思夢裏遊三島  
祇待遊仙酒造成

解奏賓雲一曲無  
當筵拍碎女珊瑚  
空侯悲栗聲聲響

都是眞靈位業圖

幾徧除書下玉清半空笙鶴好相迎彩鸞辛苦畱唐韻  
寂寞山頭跨虎行

反遊仙

當初偷喫大還丹也覺冰霜洗鍊難爲問玉樓瓊室裏  
可容千二百仙官

狡獪還思鳥爪孃襪襪鶴背滿秋霜行廚那得麒麟脯  
麤煞陶家辟穀方

聞說靈芝有燕胎吸風飲露幾裴徊羽衣日日朝金闕  
卻盼雲端白鶴來

琪樹陰陰洞府寬  
碧桃紅頰鎮相看  
阮郎底事思歸去  
未必胡麻得飽餐

百和名香夜半焚  
手持符籙上眞君  
黃金大可消災厄  
海底虛沈數萬斤

渺渺星辰隔絳河  
上清丹訣費吟哦  
蠹魚也作春蠶死  
應悔神仙字食多

贈魏默深刺史

源

平生最有魏夫子  
知余一寸纏絲心  
胡繩纚纚葛蔓蔓

思美人兮湘水深

君極稱予七言律詩  
謂得玉溪生神味也

胷中何止四大洲  
神光往來鞭赤虬  
直走龍堂割龍石

紅輪不盡海西頭

君近著海國圖志五十卷

招同人七夕小飲

又到梧桐葉下時  
西風雙鬢換絲絲  
幾多良夜歡難續  
如此新秋醉莫辭  
庭院深深蛩語早  
關河漠漠雁來遲  
玉笙吹斷藍橋信  
駭女癡牛未必知

甲辰七夕

昨夜洗車雨  
今宵瓜果筵  
銀河渺無際  
風露自年年

無題

密字眞珠甲乙編  
銀槎碧落笑無緣  
蓬萊自占三千界  
河鼓應輸十萬錢  
可有寒華稱弟子  
漫猜張碩伴神仙



雲中又奏霓裳曲看到涼蟾八月天

題周筱村同年課經圖

吾曹身世例坎坷兀兀蟬編計良左不鳴不躍亦奚爲  
萬人海中百無可君居諫官日無幾轉眼君門隔萬里  
鮭蠃罔象變幻工坐上彈箏徒噓唏僦車郎當我北來  
君方乘傳收楚材

乙未夏余挈家北  
上君時典試湖北

文書勗我相迫促

荷戈君唱關山曲居庸關外風颼颼邊牆屹立邊雲愁  
二尺短檠照經史黃簾綠幕鱸堂秋秋聲如許不可聽  
東華塵土吹冥冥相逢慎勿歎枯朽痛飲且沽燕市酒  
元謨肩頭想足申一枝桂折郎君手

令子應京兆  
試將揭曉矣

病道

欲采芳馨贈所思  
西風獨自瘦瓊枝  
經秋易感幽憂疾  
忍俊難刪側豔辭  
低幙輕簾人悄悄  
敗荷衰柳雨絲絲  
蕭齋自有蕭寥意  
除是吟蛩總不知

題張仲遠

曜孫

海客琴尊圖

胷中鬱勃數千載  
眼底能收大瀛海  
祗此蕭寥尺幅間  
中朝人物居然在  
三條五劇車殷雷  
直視不見黃金臺

平原綠野埽榴翳  
西山一角林亭開

仲遠所居爲襄平  
蔣相國故第青

春堂堂白日去  
俊游畱得詞人住  
彈出霜霄鐵馬聲  
疏

簾細雨調珠柱  
相逢海外有知音  
朝鮮使者朴

坦齋與金

曇雲閣詩集卷六

三

游張衡工愁報瓊玖吳均好客招朋簪謂偉卿碧琉璃鍾

傾白墜有酒不歡甚時可文壇健者張其軍可惜此中

竟無我我亦驅車萬里游游水不到西南流予客滇十九年長

安席帽二十載冰絃破碎瓊宮秋江亭畫長花滿樹曾

共汪孟頫陳南詠詩處丙申四月四日江亭展禊夢中二豎守我効服

君肘後千金方丁酉夏予病幾殆服君藥始愈吁嗟乎長鯨跋浪妖蜃

舞置身清華亦何補知君救世有婆心去去且爲好官

府君於癸卯領鄉薦今將作宰矣

題仲遠比屋聯吟圖

叢蘭無獨芳樛柯有交枝鸞皇聚以族其鳴應雄雌人

生寡同儔閉戶恆唸呖嗒焉形顧影所思渺難期君少  
稟家學經史工鐫錘女兄擅才調閨門相友師不數班  
與鮑一一瓊琚辭東西屋幾間宛彼河之溜明月鑒疏  
牖雅絃絀朱絲宮商戛珠玉伯仲諧壘簞至今澹菊軒  
海內傳其詩令姊孟緄夫人適吳偉卿前輩著有淡鞠軒詩集此樂不易得此  
景良可追讀君聯吟圖慨然動我思家衎席未暖南北  
車輪馳晨星歎寥落鄰遂增悽其采藍不盈把滿目紛  
蒼蒹蛩螢得秋氣咽咽徒爾爲

亾友澹懷曾以蓉湖醉月素心堂夜讌二圖屬題  
忽忽無以應覽茲遺冊愴然於中爲賦長歌一

篇甲辰十月二十八日也

寒雲重重慘不收庭葉飛盡風颼颼零縑敗墨蠹灰黯  
中有萬古詩人愁芙蓉湖水清且幽蘭橈桂楫沙棠舟  
四面波影中央樓霜月皎皎在上頭翠鬢紅燭恣歡譌  
想見興發凌滄洲清微道人慧業修寶之尺幅琳琅璆  
雲窗霧閣渺何許五更屋角啼鴛鴦素心堂址今在不  
九龍山色空幽繆搏沙聚散一俄頃四大瀛海如浮漚  
黃河滔滔接江水魂兮不可以久畱琴絃摧斷鏡花蝕  
美人名士歸山邱仲秋送澹懷旅櫬南歸與琴姬合葬世事崢嶸歲月邁  
九衢車馬無時休我獨胡爲此夷猶冠帶束縛同拘囚

五湖歸夢遶鳬鷗醒來塵土眯我眸呼青螭兮鞭素虬  
吟楚些兮增煩憂一聲兩聲感鄰遂那得杯酒澆松楸  
西生葬已五載矣天陰日落山鬼嘯擲筆鐙窗雨淚流

附錄

朝鮮李尚迪藕船

澹澹風懷黯黯波滿江煙月夜如何人生一醉尋常  
事良友良宵得幾多

徙倚雲廊捲白波當筵詞客盡陰何罇前看取蒼葭  
影霜露爭禁去後多

紙醉金迷歎逝波秋墳鬼唱奈君何劇憐一片蓉湖  
月長照空梁老淚多

落花風裏舊題襟文字紅裙託素心北海酒尊三月  
莫東山絲竹一鐙深蟲沙瞥眼經塵劫鴻雪從頭記  
畫林子建老來傷逝感獨收遺墨重千金

次孫鴻範痘殤詩以哭之

奈此波旬劫房櫳有哭聲生時試啼笑外後說聰明已  
迫彫年事還傷大父情城南一抔土孤兔莽縱橫

消寒集和清如同年韻奉詠莪通副並示心畬景

亭

華髮蕭騷不受簪婆娑庭樹晝無陰一冬雅稱山園宴

山園游燕必見招  
攜語見北齊書

幾輩能兼著作林座有琴書人蘊藉

夜看星月氣森沈銀臺應是無封事  
鐙燭光中話素心  
回首前塵記大羅衰慵無復按雲和  
文書堆案知才少  
藥裏關心爲病多那有江山容跌宕  
從來官職易蹉跎  
新春好飲屠蘇醪莫遣光陰迅下坡

除夕前二日立春

題陳子寬司馬

同哲

家藏清溪草堂重臺桂卷子

一百十六年前事手澤猶存此畫圖

按重臺桂事在雍正五年丁未隨園

以爲康熙間者誤也

參得木樨禪悅否四株紅豆一株無

清溪斜對東禪

寺門後紅豆四株見雲濤舍人自識語

詞人都賦桂重英瓊笈瑤籤認姓名我與季方喜相見  
宜南坊角故鄉情



甲辰除夕口號

貧廚祀竈卻黃羊也學坡翁饋歲忙  
橄欖茶香傾一盞

病中除夕最清涼

同年有以黃羊見餽者轉餽清如

絲幡花勝簇春盤  
楚柚吳橙四角安  
自下重簾對雙燭

聽他兒女話團圓

官閣琴尊興有餘

謂默卿甫亭諸君

病來遲答故人書  
梅花驛

使年年到莫道長安不易居

夢裏松楸苦憶家  
恩恩十載住京華  
一官自覺支離甚

猶看人間富貴花

門人見貽唐花

乙巳新正試筆十首

綵勝桃符一色鮮  
屏帷微颺藥鑪煙  
娉婷不用明珠解  
自埽書牀供水仙

養拙非關心計  
麤蕭琛三好近俱無  
牧豬奴戲吾曾試  
十擲居然得一廬

余自戊辰至戊子鄉薦凡十應試故云

城西爲訪張平子  
素問靈樞論不窮  
下馬入門逢海客  
琴尊想見畫圖中

初五日就仲遠診脈適與朝鮮李藕船相遇去冬曾爲仲遠題海客琴尊圖

誰飲能消三百杯  
當場奪得錦標回

謂所行酒令

虎頭癡絕

跳身去幾被車輪括頸來

十二日順之補之王泉昆仲鑑齋水部招飲顧子山北部

不勝酒先去故戲之

菊部風流擅一時從教北地買臙脂酒人零落雙鬟老  
莫唱黃河遠上詞

放筆能通書畫禪分題好共擘吳箋梅花烏石山頭路

海外猶聞有謫仙

十三日仲遠偉卿招集邸齋朝鮮李藕船出金秋史所畫歲寒圖屬題秋

史間以事竄謫云昨夜夢尋烏石路山前山後見梅花朝鮮金叔度詩見漁洋詩話

試鐙風裏太恩恩腰腳春來一味慵許把長鑱種瑤草

不妨喚我作聾蟲

病耳未愈

流浪江淮記昔曾卅年歡事幾春鐙可知佳日恆孤負  
說餅題餒總未能

門外應無車馬喧有詩那爲過高軒故人最是諸王好

雪月光中話上元

元夕小飲座有漢槎若華與軒是夕大雪後有月

三載河隄績告成更聞海上息鯢鯨小臣自有豚鰕祝  
長聽東南賀太平

盆梅盛開賦此遣興

祛塵風細逗春晴檐外猶聞凍雀聲煙水無人尋玉照  
玉照堂址在錢唐之慧  
雲寺蕪廢不可問矣  
雪天有夢到銅阬青裙縞袂神  
仙伴傷供水仙紙閣蘆簾處士情不用參禪妻法喜寒香相  
對勝傾城

乙巳正月十三日張仲遠明府

曜孫

吳偉卿前輩

贊

招同李藕船

尚迪

宴集邱齋爲賦長歌一篇

以紀其事卽送藕船歸朝鮮同集者張石洲明

經源遇中翰潘順之遵祚補之希甫上舍潘玉

泉曾璋趙伯厚贊善振祚編修莊蕙生受祺馮

景亭桂芬姚湘坡吏部福增汪鑑齋工部藻黃

子幹秩林周席山翼墀兩孝廉章仲甘上舍岳

鍾寫真者吳冠英後至者侍御陳頌南也

我題海客琴尊圖圖中人遠心迴紆一昨春明喜相見

朗若玉山照人面坦齋不來藕船來數年前貢使爲朴坦齋綺壽卽圖中

所繪者云已八載離燕臺謂藕船主人召客具杯畢車騎雍

容劇風雅攬袂傾襟縱筆談烏絲闌紙更番寫阮堂海

外之所宗近聞遷謫嗟龍鍾寒林槁木致蕭瑟想見孤

直人難容

金狄史一號阮堂博學多著述爲藕船師是日出其所畫歲寒圖屬題

本朝詩

人邁唐宋新城秀水相伯仲隨園一生弄狡獪流傳價

亦雞林重兩當傑出真奇才可惜壯歲薶蒿萊

與藕船論及

本朝人詩派

酒酣敲折青珊瑚雕蟲小伎媿壯夫胷中鬱鬱

有經濟眼底書生不得意

謂石洲

吳生畫手今虎頭先貌

中朝第一流

謂頌南

方今海宇告清宴如砥河流安竹箭

去臘東河奏告合龍

春晴嵐翠撲人來諸公好作山亭燕

亭與西山相對

幾度尋思翰墨因東風十丈歎紅塵畱連不到花生日

楊柳依依又送人

藕船以二月朔日歸國

題朝鮮金秋史歲寒圖

早聞秋史名惜哉未一面疇人術既殫著有算經史尤學啟蒙

賈弗譬我賈董流洵彼邦之彥世事習模稜先民有狂

狷詰曲傷迷陽身窮道不變日下使車來謂藕船文酒設

歡讌示我歲寒圖寒林莽一片豈無桃李姿三春露華

銜青蒼抱冬心挺然傲霜霰烏虬人間世百年迅飛電

所期在千秋勿與榮悴戰相逢不可知請以此詩先

三月六日病中見西院海棠將開書此

天桃穠李鬪芳姿獨向東風閉戶時不是名花無賞識

偶然遺卻杜陵詩

偶成

病來已覺瘦崢嶸那更攢眉百事并習靜自能忘我相  
耽吟何苦作秋聲幾番風細苑花發一夜雨過春水生  
閒讀道書消茗飲鑪灰微撥篆煙輕

題何絜人明府

覲揚

楓江吟社圖卽送之官粵西

漁火楓江夜泊船分曹曾記鬪吟箋詞人跼跼監司老

謂戈順卿外兄  
高芾堂前輩

烏帽紅塵又十年

薊北風霜嶺嶠雲江鄉悵望白鷗羣腳絆手版憐何遜  
且把觥船棹十分

連年朱沈感黃墟

謂酉生  
土美

漁隱誰知青黛湖

酉生有黛  
湖漁隱圖



絕妙銀臺傳畫本又牽鄉思到尊鱸諸幅中詠莪通副  
所繪最爲工肖  
此去藤江譜竹枝薦于爭唱使君詞與君早結團瓢約  
已是心灰耳冷時

東陸稷民明經

元綸

索米長安幾載過春風秋月儘消磨廣談虞筆君如此  
昆湖皆頭我奈何婚宦從來如願少文章畢竟受知多  
聖臺且訂看花約倘得新詩自在哦

遣懷卽示詠仙漢槎諸君

西抹東塗笑阿蒙沈詩任筆我何工麤麤久作羊公鶴  
騰踏還誇鮑氏驄小徑偶窺行藥後斜門閒掩落花中

諸君好啖紅綾餠莫問江南舶艣風

明日春試進場

戲示亮甫心畬兩同年

三月風光似早春十年京宦例長貧欄邊尚有呼名鴨  
車上都無問字人浙嚮開時思酒伴瓊樓高處著吟身  
病來一事供消遣學得熊經與鳥伸

近與心畬習導引術

題汪叔明孝廉昉借書乞酒圖卽送其南歸

薄陰不雨春光徂當階一寸楊花鋪虛溝橋上馬蹏響  
平林漠漠低煙蕪自來名場易束縛如蠶作蛹鳥在笱  
文能奪命那有此每見海底沈珊瑚君才突兀壓流輩  
出語生硬追韓蘇奇書探從禹穴得美酒索向餘杭沽

雙丁二陸久馳譽不鳴不躍胡爲乎

君與哲兄仲穆詩集中多浙西紀游

作我從病起百疏嬾方寸廢若秋井枯一官虛糜太倉

粟四腮莫致吳淞鱸相逢相別太草草少畱尚欲呼行  
廚伯牙潭邊波淼瀾芙蓉洞口雲模黏東南迴首增太  
息且許窮士依菰蘆有書可借酒可乞故園風景無時  
無

爲問

爲問雙輪底事忙頭銜猶自署曹郎堂堂白日貧兼病  
兀兀青編記又忘老境幾人如食蔗故園何地好栽桑  
捲簾卻盼催詩雨贏得槐窗午夢涼

題張婉紉夫人綠槐書屋律書圖

有序

夫人名綸英適上舍孫叔獻劼爲前館陶令宛鄰先生  
第四女仲遠明府之叔姊也姊妹承家學嫻文翰夫人  
習北朝碑正書分書俱臻其極仲遠旣繪是圖敘其布  
指運筆之法甚詳洪子齡同年爲作書勢一篇

七十二家篆法在地上碑碣薶荒榛蘭亭玉石用鎮肉

牡丹花賦詞猶新

見續文獻通考

長安城中運磚甃浮圖蓋起

千由旬

見宋史

豈無蒼舒藏墨蹟臨本莫辨贗與眞平生

不善徑寸字凡將急就安敢論往者河陽考金石驪驤

見魏碑司馬

荆墓

司馬元

多異文中候從事碑久佚

漢郭

景和誌銘

與誌銘

墨雲閣詩集卷六

三

仲奇郭究二碑集古錄錄經幢鐘識徒紛紜已丑客孟

金石錄釋云在河陽今之孟縣也婉紉夫人有殊稟少小卽與翰墨親賣竹漉籬

勝靈照龐居士女縣衙日永娛護椿綠槐陰濃覆書屋

指撝栗尾驅龍賓挽底雲虹森照爛行間蘭麝飄氛氤

用張彥遠評書語鉤陽距陰法已備橫逼外鼓勢益震韓公授

書笑足道蘇蕙織錦非其倫有如木蘭從軍去長槍大

戟驚釵裙如馮夫人持漢節胡沙漠漠馳雙輪端嚴迥

麗力深厚其弟仲遠之所云吾家賢媛著名譽楷法頗

亦誇朝紳謂族姑墨不論姿制論格勢相去毋乃隔一

塵秋蛇春蚓競涂抹古裝勁服揚袿蕤便當梯鉤剗垠

塢擘窠大字鏤青珉閨中書擅妙能品千古惟有衛夫人烏庠工書豈必衛夫人學者但少王右軍

易安人詩爲編修陳岱雲源克作

一贊障江河先天有其性朱陽而墨陰分寸投所平陳必

有朱墨銘見宋史聖賢道厥常全身以立命形虧志則完變乃

反乎正區區愛體膚猗違說方競忠孝無歧涂強者能

自勝四語彙括誌銘中意夫人稟淑姿中閨具滄行刳臂救所天

倉卒氣空橫所天疾既瘳毀傷庸何病霜露忽不居清

輝掩蠟鏡淒然看遺挂追念百憂恟苑枯亦偶爾管彤

足標映煌煌有銘辭讀之竦生敬

葉調生

廷珪

見寄鷗天閣遺著書後

朱

西沈雲門士美昆仲

聯吟記昔年春游擔得杖頭錢也從六

姐橋邊過不見詩人印印川

附錄湖田紀遊原作

寶山

印康祚

印川

解識風雲我黨狂行蹤不似住金閨杖頭擔得青蚨  
百六如墳橋喫酒孃

題雲帆工部陟山載筆圖

我居滇中十九年可惜不到蒼山巔奇境每誇燕子洞  
清遊最憶珍珠泉蠻盟臺荒瓦礫賸南詔碑古莓苔纏  
振衣五華發長嘯鄧蒙往事消雲煙迢迢鄉夢馱瘦馬

咽咽詩語哀秋蟬謾從輶車歷邊徼

在學使葉琴柯幕中三載

潦

倒依舊歸無田明湖翠巘浙西路落花飛絮江南天

丁卯

四月自錢唐歸里

江南山水自佳麗人事於今益彫剋金錢大

半換頭銜田舍徒然關心計倡女爭誇時世妝鄙夫競

逐錐刀利市上相逢乞食人門前但有催租吏肱篋探

丸共咄嗟炊金饌玉猶靡費春風亭館賞花藥秋雨池

塘采蓮菱行舟寂寞聽鐘聲坐石蒼涼埋劍氣零箏斷

遂歡幾何夢裏還驚海波沸披圖不覺心曠然此是當

年釣遊地此地當年作壻鄉螺岩一角明秋光滿身風

雪扶筇去一樹梅花潭水香

黑龍潭有唐時梅

討春何必天平



山消夏何必芙蓉灣便當青鞵布韉走萬里去訪且蘭  
舊山水十年騎馬聽朝雞嗟我與君將老矣君今名譽  
馳帝都奇篇往往採驪珠南園風鰓好相繼喔咿嚅  
嚅胡爲乎他日容君乞鑑湖不愁歸去田園蕪顧瞻隴  
樹雲模黏山亭木杪崇龜蚨君有隴樹瞻思圖西南樂土言豈  
誣上四字見尊集紫茄白莧山之隅此中許結團瓢無安知今  
吾非故吾更作陞山載酒圖與君花下聽提壺

題雲帆寒齋味雪圖

君以太史才而食郎官俸歸家輯圖經其山鎮曰陞繪  
圖索我題不覺言之縱前圖君修昆明縣志時作殷憂曷云已疾疢

毋乃中士當螻屈時辛苦守齋甕道心歸澹泊世事莽  
搏控蘊茲冰雪襟大矣舟楫用寒窗擁熾火詩詞供一  
弄怒焉感蒼生何以免飢凍

憫槐

齋前一株槐團團覆吾廬南窗受風日樂此陰扶疏青  
蟲自何來延緣日紛拏萬葉供汝飽噉嚼幾無餘頂禿  
黃易露皮僵翠難舒豈無時雨潤外枯中亦虛生意漸  
欲盡婆娑感何如嚴霜不及殺此類宜早除

潘星齋編修以所著小鷗波館畫轂索題爲賦三

絕句

照眼西山翠一堆翰林風月屬仙才  
瓊樓玉宇天然畫  
不是荆關學得來

宮錦袍披鬚未華謾將詞句付紅牙  
君有藤館真詞畫冊  
水仙自

與蘭相伴好寫春閨夫婦花

列宿光中有使星南齋餘事擅丹青  
謂戴醇士同年  
看君不讓

吳生筆也手芙蓉上  
御屏用醺士過廬山詩中語見所著訪粵集

漁洋山人像爲韓小亭農部題

明湖柳色盡蕭疎想見夫子問答初  
十載雲樓誰識我  
須糜空憶舊尚書

芙蓉初日照嬋娟愛好須知出自然  
誰買青山管壇站

後來不少野狐禪

魏熨斗歌

有序

斗重卅四斤十二兩今權得一十九斤以建初尺度之  
蓋徑七寸六分底徑五寸五分柄長一尺餘七分有銅  
熨人二尺二寸二分首刻饗饗形首下有穿以插斗柄  
跗正圓而稍穹徑一尺九分款識刻于跗上文曰太和  
三年二月廿三日中尚方造舊藏洪洞劉鏡古司馬肇  
鑑家廣平守沈君壽得之證爲魏明帝時物圖以徵詩  
有蓋有底尺可量穿以插柄柄較長熨人之首像饗饗  
造自太和中尚方鳴鑪東閣噴香熱

銅爵東閣鳴鑪乾  
隆五年彰德居民

家余友蔣澹懷歌以紀之

細腰手熨芙蓉結長門月

落斗闌干金仙泣露銅槃折帶火零星話劫灰

帶火遺金斗見

義山詩

西陵歌吹總堪哀  
洛神去後李娥活

李賊建安中  
婦人發冢復

清見宮闈  
小名錄

誰掘芳林土一堆裁縫密密申鴛綺

說文解字

火以熨  
車綰也

珠襦玉匣重泉底君王自愛辟寒金壞色羅裙

吹不起魏廬

自太  
號守

好古耽風雅月華麟首親摹寫

姚月  
華熨

斗名麟首見  
女紅餘志

款識眞同雁足鐙題詩合用香姜瓦繡澀

苔花跼自圓銷沈又過一千年摩挲熨斗同威斗一笑

麻姑滄海邊

十月三日潘季玉

曾 瑋

招游天甯寺看菊有詩紀

事卽次原韻

秋聲欲撼山林煙半藏寺有約討荔蘿巾屨後先至記

昨對寒花清極不能醉

十日前列飲于此

如逢退院僧貌臞神

弗悴西颿一夕狂

是日大風

坐覺須鬢涼老圃壓霜氣寂寞

珍餘香塔影想磨滅

寺藏有塔影墨蹟

鈴語增徊徨斜陽又催

暮所思渺雲樹插腳軟紅塵蹣跚窘其步仰瞻有飛鴻

寥空自來去黃葉歛已蘊蹇驢遲未顧出門望西山吾

欲呼負負

擬作潭柘之游屢約未果也

小亭農部屬題水繪庵填詞硯圖

金粉淒迷十四樓當年裙屐占風流橋亭應有傷心客

用謝文  
節事 不見寒潮打石頭

鐙前擁髻幾多時  
我有秦淮本事詩  
莫向沈香街畔去  
空教雙淚滴紅絲

仲冬十三日清如同年心香水部舉消寒第一集  
同賦哈密瓜詩

北庭自昔置都護  
蔥嶺正幹天山長  
陽關之西扞采近  
三十六國環回疆  
蒲桃日宿種可致  
神驄送喜爭騰驤

送喜驄爲  
入駿之一

白龍堆邊列烽候  
重兵斥邏紀漢唐  
我

朝版圖廓無外綫  
天磧地開鴻荒準  
部喀城悉底定大  
哉聖武欽

純皇于闐玉磬貢方物

禁中奇蜜羅芬芳

回語謂綠葡萄乾隆

時移植

禁中帕爾西語

回語三種之一

譯喀袞

回語謂瓜

由來美種稱敦

煌溫泉監瓜二月進何似包裹經風霜九千里程橐駝

載訓臣作賦聲鏘洋

賦見劉金門存悔堂集

經歲花門樂恬宴瓜

朋蒜友欣豐穰何來遺孽煽灰燼鐵蓋就縛消欖槍

午門獻俘奏凱樂紅花緞布仍輸將卽今西陲事開墾

湧流灌溉資蒲昌果園澆冬費騰格

回人以百普爾錢爲一騰格澆冬水

見西域見開錄

安得盡化爲農桑諸公相繼直樞要

一山前輩詠義清如

年年玉食頒 尚方消寒雅會具有核誇詫珍品邀客

嘗欲徵故事十忘九齒牙脫豁秋曹郎銀刀一剖青蒂



落細嚼那許餐瓊瓢眼前都非熱中者食單不問有蔗  
漿黃飭白捫漫分別含咀雪液堅詩腸想見冰圭滿筐  
貯羯僮羯女多蓋藏東南行省足財賦瓜期近亦籌江  
防中出一區倘容買請學老圃歸故鄉不爾長風破巨  
浪埽除鯨鰲看來王酒酣起舞月皎皎試憑鐵篴吹伊  
涼

謝文節橋亭卜卦硯詩卽題劉八侍御

位坦

拜硯

圖

西山梓東山桐疊山之琴曰號鐘畱傳更有卜卦硯苔  
暈青花痕一片丹覆厓山事可哀江南太息無人才麻

衣手寫雪樓書鵲鴒眼乾斗星碎斗星硯見春渚紀聞耐久不渝

金石盟誰其先者玉帶生王孫辟雍亦何有子昂端石辟雍硯見

雲煙過眼錄忠精貫之斯不朽硯乎硯乎什襲珍六百年來

翰墨因焚香再拜上封事願君寶此為良臣

芝軒相國師見示歲朝賞菊詩命和原韻

事業何須問嬾殘九仙骨本耐清寒東籬花出齡能制

出字本王建詩晚豔出荒籬西郭山明秀可餐元日風光應更好平

泉草木要重看當樞手筆推燕許又與詩人主敦槃

消寒第二集適胡實甫太守至自歸德次詠莪宗

丞韻

明鏡羞看白首郎新詩漫乞紫瓊霜

用李白事見雲仙雜記

人來

京輦多佳宦雁叫關山有急裝

實甫以卓薦入都並有解餉奉天之役

銀

燭清尊同此夕鮮魚嫩筍是吾鄉歸心不斷如流水付與春潮日夜長

長至後六日招同人集飲雲帆工部後至已薄醺矣開懷劇談遂大醉明日見示賓筵訟過吟口

### 占爲報

豈必煩監史方將繪主賓拍張王敬則歌哭楚靈均一坐皆知已千秋有直臣

謂頌南

不愁芒角出肝膽自輪囷

### 消寒第三集次詠莪韻

玉梅花下交三九成句光福橋邊一回首作詩空憶范石

湖笑問鷗鄉有誰守霜空月白朔吹號且須痛飲杯中

酒他時重繪九老圖先數彭鏗八百壽與斯集者共九人

余年六十諸公以東坡生日召飲詠我先有詩卽

### 次原韻

既不羨雲臺麟閣之功名亦不學攢眉聳肩苦作秋蛩  
鳴但願美酒日日喫不盡何必海上更有安期生坡公  
一生盛名下五千卷軸供陶寫可憐除夕宿常州遠火  
低星照荒野烏臺詩案豈必詩心灰耳冷無人知偶然  
肝膽一披豁山鬼怨絕離騷詞寒泉一盞薦冬季機舂

未舉蘇齋既

寬甫侍御擬于是日招同人爲壽蘇雅集兼餞頌南給諫子與子貞心香俱弗克赴

機煌寬甫自顏所居也翁覃溪閣學每歲祀東坡名其室曰蘇齋

磨蝎宮纏大有人鬱

鬱古今不如意況余年鬢日相催安得竟歌歸去來

涵秋閣消寒四集次潘補之舍人

希甫韻

自識山人過廿年評詩讀畫惜無緣

閣爲朱野雲所造余主講泰州時卽

耳其

今來黃菊丹楓後重醉香鑪茗椀前

筠潭前輩居此曾同宴集

隨意縱談容率爾生成野趣覺翛然輸君祕閣朝回早

靜對寒林跂腳眠

題汪筱珊工部

藻

贈行各畫卷時之官北上今又

乞假南歸矣

寒驛秋花第幾程飄來風遂是離聲渡江不媿真名士  
多少青山送北行

北來大好結詩緣古寺琴尊十月天最是楓江忘不得  
一星漁火照鷗眠

水部詩篇筆有神腳蹣怕踏軟紅塵幾時乘著新驄馬  
歸到蘇州便訪君